


ՀԿ(Բ)Կ ԿԵՆՏԿՈՄԻ ԱԳԻՏԱԾԱՍ
ԲԱԺՆԻՆ ԿԻՑ 1933 Թ. ԴԵԿՏԵՄ-
ԲԵՐԻ 10—12-ԻՆ ԿԱՅԱՑԱԾ ՄՏԿ
ՔԱՂԱՐԱԺԻՆՆԵՐԻ ԿԻՆ-ԿԱԶՄԱ-
ԿԵՐՊԶՈՒՀԻՆՆԵՐԻ ՑԵՎ ԶՐՋԿՈՄ-
ՆԵՐԻ ԿԻՆ ՍԵԿՏՈՐՆԵՐԻ ՎԱՐԻՉ-
ՆԵՐԻ ՀԱՆՐԱՊԵՏԱԿԱՆ ԽՈՐՀՆԸ
ԴԱԿՑՈՒԹՅԱՆ ԲԱՆԱԶԵՎԸ

□



ՀԿ(Բ)Կ ԿԵՆՏԿՈՄԻ ԱՂԻՏՄԱՍՍ ԲԱԺՆԻՆ ԿԻՅ 1933 Թ. ԴԵԿՏԵՄԲԵՐԻ
10—12-ԻՆ ԿԱՅԱՑԱԾ ՄՏԿ ԲԱՂԲԱԺԻՆՆԵՐԻ ԿԻՆ-ԿԱԶՄԱԿԵՐՊՁՈՒՀԻ-
ՆԵՐԻ ՅԵՎ ՇՐՋԿՈՄՆԵՐԻ ԿԻՆՍԵԿՏՈՐՆԵՐԻ ՎԱՐԻՉՆԵՐԻ ՀԱՆՐԱՊԵՏԱ-

ԿԱՆ ԽՈՐՀՐԴԱԿՑՈՒԹՅԱՆ ԲԱՆԱԶԵՎԸ

(Հաստատված ՀԿ(Բ)Կ Գեներալի իրավունքով)

338.1

Հ-24

um

1) 2-րդ հնգամյակի առաջին տարվա գյուղատնտեսության պլանների կատարման բնագավառում Հայաստանի կուլս. կազմակերպությունները՝ Համ. Կ(Բ)Կ Անդրյերկուրի և ՀԿ(Բ)Կ Կենտկոմի անմիջական ղեկավարությամբ ձեռք են բերել փայլուն հաջողություններ: Հացի, բամբակի, ծխախոտի, կաթնամթերքների, խոտի և մյուս հիմնական գյուղատնտեսական մթերքների մթերման պլանները կատարված և գերակատարված են ժամկետից շուտ: Գանձված և սերմֆոնդը և ապահովագրական ֆոնդը. հաջողությամբ կատարված և աշնանացանը:

Այս բոլոր նվաճումները ՀԿ(Բ) կուլսակցությունը ձեռք է բերել ջախջախելով դասակարգային թշնամու դիմադրությունը, կուլակային սաբոտաժը, անհաշտ պայքար մղելով աջ ոպորտունիզմի, ինչպես և «ձախ» խոտորումների դեմ:

Այս վերջին տարվա ընթացքում մեծ աշխատանք է ծավալված ՄՏԿ քաղբաժինների կողմից գյուղում կուլս. բլիշների աշխատանքների վերակառուցման և աշխուժացման բնագավառում:

Չտեսնված խանգավառությամբ, կուլսակցություն և կառավարության առաջադրանքների կատա-

Մրաքիչ Ա. Յ-Միջլյան

Հանձնված է արտադրության 16 հունվարի 1984 թ.

Ստացված է օգտագործող 25 հունվարի 1984 թ.

Փյունի 7812(Բ). Հրատ. № 175.

Փաշին № 19. Տիպ 500. 30,000 օպ. հո.

Գուսերյան օգտագործող. Յանվար.

բումը փառքի և պատվի գործ դարձնելով, սոցիալիս-
տական աշխատանքի լավագույն ձևերը գործադրելով
գյուղատնտեսական աշխատանքների բոլոր ճակա-
տամասերում՝ կոլտնտեսությունների դաշտերում,
բրիգադներում, ցանքի, մշակման, բերքահավաքի
բնագավառում՝ կոլտնտեսություններն ու աշխատա-
վոր մենատնտեսները ժամանակից շուտ ավարտե-
ցին գյուղատնտեսական հիմնական աշխատանքները
և ստացան առատ բերք: Հարյուրավոր, հազարա-
վոր կոլտնտեսականներ դարձան ունևորներ, կոլ-
տնտեսություններն ամրապնդվեցին տնտեսապես
և կազմակերպչորեն, նոր հոսանք սկսվեց գեպի կոլ-
տնտեսությունները, և լուրջ քայլեր արվեցին կոլ-
տնտեսությունները բուլճարիկյան՝ ու կոլտնտեսա-
կաններին ունևոր դարձնելու ուղղությամբ:

Կասկածից զուրս ե, վոր աշխատավոր կանանց
լայն մասսաները մեծ դեր խաղացին գյուղատնտե-
սական աշխատանքները ժամանակին կատարելու
գործում: Սկսած գարնանացանից, այս տարի ավելի
մեծ չափով և ավելի ակտիվ կերպով քան անցյալ
տարիները, աշխատավոր կանայք լծվեցին գյուղա-
տնտեսական բոլոր տեսակի աշխատանքներին, բուռն
վոգևորությունով ծավալելով սոցմրցումն ու հար-
վածայնությունը, տանելով իրենց հետևից հարյու-
րավոր հետամնացների: Բամբակի դաշտերում, ծխա-
խոտի և այլ կուլտուրաների մշակույթների ժամա-
նակ կանայք հերոսական աշխատանք կատարեցին,
զրավելով տղամարդկանց հետ հավասար առաջավոր
դիրքերը (Վաղպատ, Վեդի, Ղամարլու, Լենինական
և այլն): Մանգաղավոր, գերանդավոր կանանց թիվը
հասավ հարյուրների՝ հացահատիկային կուլտուրա-

ների բերքահավաքի ժամանակ (Արթիկ, Դավալու, Լե-
նինական և այլն): Մի շարք շրջաններում հարվա-
ծային կանանց թիվը գերակշռեց հարվածային
տղամարդկանց թվին (Ղուրդուղուլի, Վաղարշա-
պատ, Ղամարլու): Այս տարի կանանց բանուժը հիմ-
նականում ամրապնդվեց կոլտնտեսություններում,
բրիգադներում՝ վորպես մշտական բանվորակա-
ռուժ: Կոլտնտեսությունների բրիգադներում աշխատա-
վոր կանանց կողմից լայն չափով կիրառվեց ան-
հատական գործարքային ձևը:

1933 թ. ընթացքում ծավալվեց քաղմասսայա-
կան աշխատանքը կոլտնտեսուհիների և մենատնե-
տեսուհիների մեջ: Առանձնապես մասսայականաց-
վեցին հունվարյան պլենումի վորոշումները, ընկ.
Ստալինի ճառը (արտասանած հարվ. կոլտնտեսական-
ների 1-ին համագումարում), ՀամԿ(բ)Կ Կենտկո-
մի մարտի 5-ի, ինչպես և Մնզրյերկոմի ու Հայկոմ-
կուսի Կենտկոմի վորոշումները: Համարյա բոլոր
շրջաններում կազմակերպվեցին հատուկ կուսորեր,
քաղորեր՝ աշխատավոր կանանց լայն շրջաններում
մասսայականացնելու կուսակցություն ղեկավարող
ները:

Այս տարի լայն չափերի հասան կոլտնտեսուհի-
ների, մենատնտեսուհիների հավաքությունները, խոր-
հրդակցությունները (50-ից ավելի հավաքներ, մաս-
նակցությամբ մոտ 5000 կանանց): Կոլտնտեսուհի-
ները, մենատնտեսուհիները մորիլիզացիայի յեն-
թարկվեցին կուսակցության հիմնական խնդիրնե-
րի շուրջը և իրենց ակտիվ մասնակցությամբ ոգնե-
ցին առաջին բուլճարիկյան գարնանացանի պլաննե-
րի կատարմանը:

Պատժողովների վերակառուցումն ըստ արտադրական սկզբունքի, պատգամավորուհիների վերադասավորումն ըստ կոլտնտեսային բրիգադների, ողակների և այլն, աշխատավոր կանանց՝ կոլտնտեսուհիների, մենատնտեսուհիների մեջ առաջացրին չտեսնված ակտիվություն և շրջադարձ դեպի կոլեկտիվ աշխատանքը:

Սակայն այդ նվաճումների հետ մեկտեղ կանանց մեջ կատարվող աշխատանքների բնագավառում 1933 թ. ընթացքում մենք ունեցանք մի շարք բացեր: Առանձին շրջաններում՝ Սիստա, Աղբաբա, Քեշիջենդ, Մարտունի, — կուսակազմակերպությունների թույլ դեկալարության հետևանքով կանանց բանուժը լրիվ չափով չընդգրկվեց կոլտնտեսություններում, առանձնապես կանանց բանուժը թույլ է ընդգրկված անասնապահության բնագավառում: Կանանց աշխուրների հաշվառման, կուլտ-կենցաղային պայմանների բարելավման ուղղությամբ անբավարար աշխատանք կատարվեց: Թույլ է տարվել աշխատանքը տեղերում կոլտնտեսուհիներին լրիվ չափով մասնակից դարձնելու կոլտնտեսությունների արտադրական խորհրդակցություններին, կոլտնտեսությունների ընդհանուր ժողովներին:

Կանանց անգրագիտության վերացման գործը տեղերում դեռ շատ վատ է զբված. չեն ստեղծվում անհրաժեշտ պայմաններ (մանկական սենյակներ, անհատական և թաղային խմբակներ և այլն) կանանց անգրագիտությունն իսպառվերացնելու համար:

Յեղնելով առաջիկա հսկայական խնդիրներից, խորհրդակցությունն անհրաժեշտ է գտնում՝

1. ա) Ուժեղացնել տեղերում կուս. բջիջների

դեկալարությունը կանանց մեջ կատարվող աշխատանքի վրա: Կուսշրջկոմները և ՄՏԿ քաղբաժինները պետք է կուս. պատասխանատվության յենթարկեն այն կոմ. բջիջներին և առանձին կոմունիստներին, փորձը թերազնահատում են, անտես են առնում, ձախողում են կանանց մեջ տարվող աշխատանքները:

բ) Կլինսեկտորների վարիչներին, քաղբաժիններին կազմակերպչուհիներին՝ անհրաժեշտ է լայն մասսայական աշխատանք ծավալել տեղերում, կազմակերպել կոլտնտեսուհիների, մենատնտեսուհիների հավաքներ, խորհրդակցություններ, աշխատավոր կանանց լայն մասսաներին լուսաբանելու կուսակցության կողմից առաջադրված խնդիրները: Կազմակերպել նրանց՝ զարնանացանի և գյուղատնտեսական այլ աշխատանքներին ակտիվ մասնակից դարձնելու համար:

գ) Տեղերում կազմակերպված քաղորդերին լայն չափով ընդգրկել կոլտնտեսուհիներին, մենատնտեսուհիներին: Հարկ յեղած գեպքում կազմակերպել հատուկ քաղորդեր, կուսորդեր — կուսակցության առաջադրած խնդիրների, ինչպես և կանանց աշխատանքի և կուլտկենցաղային հարցերի վերաբերյալ: Տեղերում աշխատանքը կազմակերպել այնպես, փոր կուս. բջիջի զանազան խնդիրներին կոլտնտեսուհիները, մենատնտեսուհիներն ակտիվ մասնակցություն ցույց տան:

դ) Կուս. շրջկոմների կլինսեկտորի վարիչները, քաղբաժինների կլինկազմակերպչուհիները պետք է լայն բացատրական աշխատանք տանեն առանձնապես կանանց հետամուտ մասսաների՝ մենատնտեսուհի-

ների մեջ, լուսաբանելով կոլեկտիվ աշխատանքի արդյունքները—առատ բերք, բարեկեցիկ, կուլտուրական կյանք կոլտնտեսականների համար, և նման մասսայական աշխատանքների միջոցով ստեղծել նոր վերելք կոլտնտ. շինարարության բնագավառում:

2. ա) Արձանագրել, Վոր անցյալներում կանանց բանուժը կոլտնտեսություններում ամրապնդելու բնագավառում ունեցել ենք մեծ բացեր. այս տարի կոլտնտեսությունների արտադարական պլանները կազմելու ժամանակ առանձին ուշադրություն պետք է դարձնել, Վորպեսզի Վոչ մի աշխատունակ կոլտնտեսուհի բրիգադներից դուրս չմնա: Պետք է ընդգրկել նրանց բոլոր արտադրական բրիգադներում, Վորպես մշտական բանուժ և Վոչ Վորպես սոսկ ոժանդակ ուժ, ինչպես յեղել է անցյալում:

բ) Կանանց աշխատանքը կոլտնտեսություններում պետք է կազմակերպել այնպես, Վոր կոլտնտեսուհիները Վոչ միայն հողի մշակման, բերքահավաքի, այլ և գարնանացանի աշխատանքներին լայն մասնակցություն ունենան:

գ) Արձանագրել, Վոր կանանց աշխուրների հաշվառումը մինչև այժմ կատարվել է չափազանց անկանոն թե հաշվապահության մատյաններում և թե նրանց աշխատակիցներում: Կանանց աշխուրերը սովորաբար գրանցվում են ընտանիքի անդամների, գրխավորապես ամուսնու աշխատակիցում. այս յերեփույթին վերջ տալու նպատակով Հոգժողկոմատը պետք է տեղերին խիստ հրահանգ տա կանանց աշխուրների հաշվառումն առանձնացնելու, բոլոր կոլտնտեսուհիներին աշխատակիցներով ապահովելու

և աշխուրի գրանցումը կանոնավորելու վերաբերյալ:

դ) Նշել, Վոր ակտիվ հարվածային կոլտնտեսուհիների մեջ մինչև այժմ առանձին աշխատանք չի տարվել կուսկազմակերպիչների կողմից: Կինսեկտորի վարիչները, ՄՏԿ քաղբաժնի կինկազմակերպչուհիները պետք է այս ուղղությամբ ուժեղ աշխատանք տանեն, կանոնավորելով հարվածային կոլտնտեսուհիների հաշվառումը, տեղերում կոլտնտեսություններում հարվածային կոլտնտեսուհիներից կազմակերպելով ակտիվ կանանց կորիզ: Կազմակերպել հարվածային կոլտնտեսուհիների լավագույն աշխատանքների մասսայականացման գործը, գործադրել հարվածային կոլտնտեսուհիներին խրախուսելու բոլոր միջոցները, համախմբել նրանց կոլտնտեսության արտադրական պլանները հաշվողությամբ կատարելու շուրջը:

3. ա) Անասնապահության զարգացման բնագավառում աշխատավոր կանայք մեծ անելիքներ ունեն, սակայն մինչև այժմ չափազանց թույլ է կանանց ներգրավումը անասնապահական ֆերմաներում, առանձին բրիգադներում: Այժմյանից պետք է աշխատանք ծավալել տեղերում կանանց ընդգրկելու անասունները խնամելու, մատղաշների պահպանման, կովկիթների բրիգադներում: Կանանց մեջ լայն աշխատանք կազմակերպել նրանց դուրս բերելու պայքարի՝ կերի բազա ստեղծելու, տաք, մաքուր գոմեր ունենալու, մատղաշները լավ խնամելու, կերը խնայողությամբ գործածելու, մատղաշների սատկելու տոկոսն իջեցնելու համար:

բ) Անասնապահության բնագավառում գոյու-

թյուն ունեցող դիմադրելու թյունը վերացնելու նպատակով՝ անհրաժեշտ է հենց զարնան սկզբից, ծննդի կամ պանիայից կոլտնտեսուհիներին ամրացնել մշտական բրիզադներում, պայքարել կանանց մի բրիզադից մյուսը փոխադրելու դեմ, այսպիսով բարձրացնելով անասնապահության բնագավառում աշխատողների պատասխանատվությունը:

գ) Անասնապահության զարգացման զլխավոր խնդիրներից մեկը համարելով հզի անասունների խնամքը, առանձին աշխատանք պետք է տանել անասունների հղիության ամբողջ ժամանակաշրջանում գտնելով տաքություն, սանիտարական անհրաժեշտ պայմաններ ստեղծելու համար: Առանձնապես նորածին անասունները խնամելու խընդիրը դարձնել կոլտնտեսուհիների անմիջական գործը, բարձրացնելով նրանց պատասխանատվությունն այս խնդրում, նկատի ունենալով, փոր անասնապահության զարգացումը մեծապես կախված է մատղաշ անասունների խնամքից՝ նրանց ժամանակին կերակրելու, մաքրություն պահպանելու և նման հոգատարությունից:

դ) Անասնապահության զարգացման, ինչպես և կոլտնտեսականների նյութական դրության բարելավման միջոցներից մեկը համարելով կովազուրկ կոլտնտեսականներին մատղաշներ տրամադրելը, Համկոմկուսի Կենտկոմի և Ժողկոմխորհի այդ մասին յեղած փորոշման կենսագործումը պահանջում է մեր բոլոր կուս. կազմակերպություններից, Հոգաժիններից, ՄՏԿ բաղբաժիններից—այս ուղղությամբ լայն աշխատանք տանել:

Կինսեկտորի վարիչները, քաղբաժնի կինկազմա-

կերպչուհիները պետք է ուժեղ աշխատանք տանեն այս ուղղությամբ՝ կովազուրկ կոլտնտեսուհիներին ոժանդակելու կով ձեռք բերելու գործում:

4. ա) Կանանց մասնաշաղկան կադրերի պատրաստման և առաջնաշման բնագավառում 1933 թ. ընթացքում շրջաններում մեծ աշխատանք է տարված (բոլոր գծերով նախապատրաստված են տեղերում աշխատելու համար 4182 կին), սակայն համեմատած գյուղի ներկայիս պահանջների, կանանցից կադրեր պատրաստելու գործն, առանձնապես փորակի տեսակետից, դեռևս հեռու չէ բավարար լինելուց: Տեղերի հողբաժինների, կուս. կազմակերպությունների, կինսեկտորների թույլ աշխատանքի հետևանքով միանգամայն անբավարար է յեղել կանանց թիվը բրիզադավարների, հաշվետարների, կոլտնտեսուհիների նախագահների դասընթացներում: Դրա հետևանքով, ինչպես և կանանց աշխատանքի թերազնահատման պատճառով մենք չունենք Հայաստանում կոլտնտեսություն փոշ մի կին-նախագահ, ինչպես և բրիզադավարներ: 1934 թ. գյուղատնտեսություն և առաջ դրված խնդիրները պահանջում են, փորպեսզի տեղերում շրջկենտրոններում բացվող՝ կոլտնտեսություն և նախագահների, բրիզադավարների, հաշվետարների, ագրոտեխնիկների և այլ դասընթացներում կանայք ավելի մեծ չափով ընդգրկված լինեն: Անհրաժեշտ է, փորպեսզի տեղերում վերացնեն այս խնդիրն ձևական մոտեցում ունենալը:

5. Կուլսիկենցաղային աշխատանքների բնագավառում

ա) Նշելով այն հաջողությունները, փոր ունեցել ենք 1933 թ. ընթացքում մսուրների, հրապարակների ցանցի լայնացման ուղղությամբ, խորհրդ-

դակցությունը միաժամանակ նշում է, Վոր դեռևս վատ է դրված մսուրների, հրապարակների, սննդի գործը, անբավարար է սանիտարական դրությունը, թույլ է մանկհիմարկների կադրերի կազմը: Այս տարի բոլոր հնարավորությունները կան (կոլտնտեսությունների առատ բերք և այլն), վորպեսզի կուս. շրջկոմները, քաղբաժինները, հողբաժինները, լուս. և առբաժինները, կոոպկազմակերպություններն այս ուղղությամբ տանեն ուժեղ աշխատանք՝ լավ մսուրներ, հրապարակներ ունենալու համար: Մանկ. հիմնարկները պետք է անպայման ապահովել հարմար շենքերով և անհրաժեշտ կահավորմամբ: Մանկ. հիմնարկների սննդի գործը լավ հիմքերի վրա դնելու համար տեղերում ստեղծել ֆոնդեր, ապահովել կովերով, թռչուններով, մտածել ձեռք բերելու տնտեսության այլ միջոցներ: Լուսբաժնի և առբաժնի միջոցով պատրաստել մանկհիմարկների համար զեկավարներ, նրանց դարձնել ավելի մնայուն, յերկարատև աշխատանքի համար, պայքարելով նրանց հոսունության դեմ: Քաղբաժնի կին. կազմակերպչուհիները, շրջկոմի կինսեկտորավարները պետք է այս ուղղությամբ աշխատանք տանեն կազմակերպելու և լայն հիմքերի վրա դնելու մանկ. հիմնարկների գործը՝ ապահովելու համար կանանց լայն մասնակցությունը գարնանացանի և հետագա այլ աշխատանքներին:

բ) Թույլ է կազմակերպված տեղերում կանանց անգրագիտության վերացման գործը (հատկապես ազգային փոքրամասնությունների՝ բրդուհիների, թրքուհիների մեջ): Տեղերում առանձնահատուկ մոտեցում չի յեղել կանանց լիկկայաններում լրիվ բնդ-

գրկելու, թաղամասերում խմբակային, անհատական պարապմունքները կազմակերպելու գործում: Այս աշխատանքները կատարելու համար հարկ յեղածին չափ մոբիլիզացիայի չեն յենթարկված յեղել մեծահասակ աշակերտությունը, կոմյերիտմիությունը և գյուղի այլ կուլտուրական ուժերը: Կանանց անգրագիտությունն արգելք է հանդիսանում արտադրության մեջ վորակյալ աշխատանքներ կատարելու, նրանց զեկավար աշխատանքի ներգրավելու գործին: Այժմ ավելի քան անթույլատրելի յե անգրագետներ ունենալ աշխատավոր կանանց՝ կոլտնտեսուհիների, մենատնտեսուհիների մեջ: Իրա համար պետք է տեղերում բոլոր միջոցները ձեռք առնել մոբիլիզացիայի յենթարկելու ուսուցչությունը, կոմսոմոլը, դպրոցականները և այլ կուլտուրական ուժերը—լայն չափերով կազմակերպել կանանց խմբակային, անհատական, թաղային պարապմունքները, ապահովել տեխնիկական պայմանները կանանց մեջ անգրագիտությունը հաջողությամբ վերացնելու համար:

գ) Հատուկ աշխատանք կատարել աշխատավոր կանանց շրջանում տարածելու թերթեր, ժուռնալներ և այլ մատչելի գրականություն: Անհրաժեշտ է կոլտնտեսային ակումբներին կից, ինչպես և անհատական ձևով ոգտագործելու համար ստեղծել մատչելի գրադարաններ՝ կոլտնտեսուհիների, մենատնտեսուհիների համար: Անհրաժեշտ է կոլտնտ. ակումբներում կազմակերպել բարձրագույն ընթերցանություն կոլտնտեսուհիների, մենատնտեսուհիների համար՝ ընտրված մատչելի գրականությունից համապատասխան նյութերի շուրջը:

դ) Մամուլը շարունակում է անբավարար չափով

լուսանել կանանց մեջ ծափալվող արտադրական, քաղմասսայական աշխատանքները: Թույլ են լուսաբանվում շրջանային և ՄՏԿ քաղբաժինների թերթերում լավագույն հարվածային կանանց աշխատանքները, չեն փոխանակվում նրանց սոցիալիստական աշխատանքի նոր ձևերը մամուլի միջոցով: Տեղերում կինսեկտորների վարիչները, կինկազմակերպչուհիները ևս թույլ են աշխատել՝ լուսաբանելու մամուլում կանանց մեջ կատարվող աշխատանքները: Այս պատճառով մեր լավագույն հարվածային կոլտնտեսուհիները մնում են անհայտ աշխատավոր լայն մասսաների համար: Անհրաժեշտ է տեղերում գործը կազմակերպել աֆայես, փոր ափելի լայն չափով լուսաբանվեն կանանց մեջ տարվող աշխատանքները: Կինսեկտորի վարիչները, կինկազմակերպչուհիները պետք է տեղերում կազմակերպեն թղթակիցների աշխատանքը՝ նրանց միջոցով մասսայականացնելու կանանց մեջ կատարվող աշխատանքները: Հայնածավալ աշխատանք տանել կանանց մեջ տարածելու թերթերը, ժուռնալները, առանձնապես «Հայաստանի Աշխատավորուհին», «Սոցգյուղը» և այլն:

զ) Պետք է արձանագրել, փոր չափազանց թույլ է յեղել քաղմասսայական, կոլտնտեսային աշխատանքը ազգային փոքրամասնության կանանց մեջ: Անգրագիտության վերացման գործը չափազանց վատ դրության մեջ է գտնվում: (Անգրագետ թրքուհիների չնչին մասն է ընդգրկված լիկկայաներում, նույն դրության մեջ է նաև քրդուհիների անգրագիտության վերացման գործը): Ազգային փոքրամասնության կանանցից կադրեր պատրաստելու խնդրին տեղի կուս. կազմակերպչությունների կողմից

հատուկ ուշադրություն չի դարձվել: Քաղցանցում չափազանց աննշան է ազգային փոքրամասնությունների կանանց թիվը: Այս բացերը վերացնելու համար անհրաժեշտ է, փոր կինսեկտորի վարիչները և քաղբաժնի կինկազմակերպչուհիներն առաջիկա 34 թ. ընթացքում հատուկ աշխատանք տանեն թրքուհիների, քրդուհիների անգրագիտության վերացման գործը անհրաժեշտ մակարդակի բարձրացնելու համար: Հատկապես կոլտնտեսության արտադրական, վարչատնտեսական աշխատանքների համար նախատեսված շրջանային դասընթացներում ապահովել ազգային փոքրամասնության կանանց տոկոսը. համապատասխան շրջաններում կազմակերպել հատուկ դասընթացներ՝ անգրագիտության վերացման, մանկ. հիմնարկներում աշխատելու համար թրքուհիներից, քրդուհիներից կադրեր պատրաստելու, ինչպես և կոլտնտեսությունների արտադրական, վարչատնտեսական աշխատանքներում առաջ քաշելու համար:

ե) Քաղխմբակներում, ինչպես և այլ բարձր տիպի դպրոցներում կանանց տոկոսը դեռ աննշան է (2—5 տոկոս): Կանանց լայն մասսաները մարքսլենինյան դաստիարակության քաղցանցում ընդգրկելու նպատակով՝ անհրաժեշտ է տեղերում այս ուղղությամբ հատուկ աշխատանք տանել՝ ապահովելու կանանց տոկոսը քաղգյւրոցների ցանցում:

Բոլոր կուսկազմակերպչությունները պետք է ձեռք առնեն բոլոր միջոցները և հնարավորությունները՝ ուժեղացնելու կանանց մեջ կատարվող աշխատանքները, փորպեսզի 2-րդ հնգամյակի 2-րդ բոլշևիկյան գարնանացանի և այնուհետև գյուղատնտեսական բոլոր աշխատանքների ընթացքում աշխատավոր կանայք՝ կոլտնտեսուհիները, մենատնտեսուհիներն առավելագույն չափով համախմբված լինեն կուսակցության շուրջը՝ կենսագործելու գյուղատնտեսության պլանների կատարումը:

ԳԻՆԸ 15 ԿՈՊ.

29.895



ՀՀ Ազգային գրադարան



NL0209824

РЕЗОЛЮЦИЯ

Республиканского совещания жен.
организаторов политотделов МТС
и жен. секторов райкомов от 10—12
декабря 1933 г.

Партиздат

1934

Эривань